


SABALOT e la Pugeot



U bèth dibés mati, lou Yan dou Sabalot
Félibre é mènesé à Tarbe, én Bigorre,
Sus ue touroumbiole, ue biélhe Pugeot,
Dé cap ta Saübaterre s'apoutya dé boune ore.
Chèys pistous au moutur, chibaüs : ue doutzéne,
Bièn ségu pas purs sancz, més pas poussiüs tapoc.
Tout qué birabe plà, é chèns la méndre pène
La Pugeot pouya Ger, tau medich coum u floc.
Sus la plane, en seguin, lou countur que mercabe
Chichante é lhéü din méy, tout qu'anabe coum caü.
Espoéys que paréchè, lou choufur que cantabe,
Biatya qu'éy ù plasé dap ù moutur ataü !
E ô, tout qu'anè plà tan qui estoun én Bigorre,
Mès ta lèü én Biar lou moutur s'estanqua,
E nouste mènesé, éth tan gavyous én l'ore,
Lou nas héns lou moutur, esmalit, qué-s hiqua.
Ta mécaniquéya n'abe pas gran sapiénce,
Qué bouha lous jiclurs, nètéya las bougies,
Puch hiqua lous accus baléü chèns counéchénce,
Aütan aüré balut canta las litanies,
Lou moutur cap-bourrut bira méy n'é boulou...
U camiou qui passa quous hésou din dé corde,
Aütaléü arribats aü bourg dé Soumoulou.



D'ü meste mécano qu'éntran ta héns la borde,
Labéts qué coumença la grane opéraciou,
Qué cambian à-d'arroun lou martèigt d'aü ruptur,
Bougies é boubine, puch lou coundénsatou,
Lou hiü dou klaquesou é l'òli dou moutur...
Maügrat tout ço dé naü, la Pugeot qu'ère mude,
Més lou mécaniquayre, én la miassan, digou :
- Qué sourtiras d'aciü, démoun dé cap-bourrude,
« *Boulé ou nou boulé, qué ta-t prouméti you !* »
E quan abou boéytat plà dehèt la boussète
D'aü praübe Sabalot, aü darré d'u camiou
Qué courdéya Pugeot, taü coum ue pluméte
Sus lou cami dé Paü, trabèrsan Soumoulou.
Pugeot qué-s déféndoü dap ù béroy couratye,
Més qué capitula à haütou dé Nousty,
Lou moutur qué bira, més biban, quin tapatye,
Calhabari hésè... més soule qué parti.
Qu'ò Paü, tout qu'anè plà, lou cami qu'ère libre,
Més aü loc dé gaha sayemén l'estrémère
Ta ésbita trébucs, nouste chauffur felibre,
Aütan fièr qu'Artabà qué prén la gran carrère.



Qu'ère aü miéy dé la bile quan ù ajan chiüla
E da plous bras én crouts qu'arrésta la hourre,
Estanquas qué calou, én ta nous pas hula...
Més ta tourna parti, Sabalot, qué pots curre !
Serviez, lous Sèt-Cantous, dingu'ô la Haüte-Plante,
Lou praube Sabalot, dap ayudes, poussa
La garce dé Pugeot qui hése la fénianté
En s'é foutén d'aü méste qui n'é poudè bouha.
Quan éstou sou pénén qui méstéye Bilhere,
Sabalot qué pouya én cridan : « *Largat tout !* »
E, coum ù éslambrés, dap ù brut dé tounerre,
Pugeot tourna parti... crachan hum dé pértout.
Sus plane, qu'én anan à ue alure hole,
Trébucs, n'én trouban méy dingu'ô qui éstoun rénduts,
Las barralhes ubèrtes, Mina chéns émpathole,
Qu'arriben, qu'ère tems, chéns éssence é chéns luts.
Lou lendoüma mati, qué hésoun « l'autopsie »
Partits dap chéys pistous, cinc tout doy qu'én y abé,
L'aüte, tout ésglachat, én chiquéts, én boullhie,
Héns l'òli dou carter quou troubèn, aquèt lè !
Lou cylindre bédou qu'abé dues coutrades
Qui la bièle abè héyt. En bédén tout aco,
Lou mécano digou : « *Qu'éy mourte la maynade,
Qué l'abét tout doy boune taü « Toumbèü dé l'Auto » !
Taü toumbèü qué disét ? Parlat adayse bous,
Chéns ére qué héri ? Qué caü goari lou maü,
Adare qué-s'y hé mouturs dap cinc pistous
Pérqué doun la Pugeot n'é marchéré ataü ? »*

Qué boussan dus hourats dap soupaes dé bouch,
Qué desbisan la biële qui abè hèyt tout lou maü,
E despuch réssarrat tout ço qui ère din louch,
Lou moutur qué bira...coum si ère éstat tout naü.
Labéts lou Sabalot qué-s fréta hor las mas,
Puch à chichante à l'ore qué-s'én tourna ta Tarbe
Fièr coum poudè ésta Cyrano d'aü sou nas,
Boisse dé « Tradition », Maréstin dé sa barbe.

Marcélin dé la HEUGUÈRE

